

陳氏荷華山房詩稿

陳氏荷華山房詩稿卷之二

高安陳邦瞻德遠著

樂府三十三首

隴西行

隴山高不極隴水萬丈餘客行隴西道問俗一
何殊健婦持門戶丈夫西擊胡勸君治行裝爲
君解羅襦百寶飾馬鞍千金購轆轤氣雄百夫
長驕嘶千里駒王壺置清酒金盤盛鯉魚送君
大道旁但別莫踟躕一戰虜名王再戰空穹廬

婦女不足顧男兒思捐軀捐軀矢報國封侯亦
區區慷慨有如此匈奴何足誅

門有車馬客行

門有車馬客言是故鄉親披衣出延客相視顏
色欣故鄉別且久請客得具陳田廬少荒蕪郊
樹蔽城闌園鳥常交交池水自粼粼墳墓亦掃
除未嗟狐兔鄰里中富者碩來往一何頻念子
獨遠行道路多風塵舊事日在口面目久難真
客詞未云畢我意先酸辛辭家二十載憂恨坐

相因骨肉非金石
聽跼秋青春
願今早旋歸永
辭要路津

塘上行

幽蘭生塘上
移根近君堂
君情一怡悅
隨炭有芬芳
承君顧盼榮
襲君懸衣裳
濯濯耀朝日
曄曄揚精光
薰風時飄拂
紫莖晝夜長
春秋紀節序
候氣異暄涼
諒無金石姿
時至焉得臧
管淝九危露
今蒙三秋霜
管爲金芝姬
今爲蔓草傷
財盡交易敗
色衰寵難常
人心苟不移
草木無

卷之二
二
萎黃

煌煌京洛行

京洛何煌煌豪家鳳城旁重門麗金鋪阿閣雲
端翔後庭象椒寢複道通明光流蘓翠羽帳盤
螭白玉廂鴛鴦七十二一一舞雕墻美女步搖
髻妖童繡羅襪繁吹咽哀管妙舞回明璫晝歡
嫌日短宵娛愛更長惟懼秋風至繁華歇衆芳
田寶成傾奪衛霍有興亡願言丹桂枝休橫青
女霜

董逃行

西風颯颯霜摧征鴻蕭蕭徘徊悲風萬里悠哉
我行陟彼崔嵬茫然四視心哀哀心反覆無端
人生萬事大難羊腸車輪關關險仄不及迴旋
倏忽摧折雙轆自古聖賢紛綸其間時命常屯
鳳鳥一鳴虞廷千秋寂寞無聲惜哉鄒魯空勤
雖有才智奚施况復日月如馳盛年去矣誰追
高堂錦瑟蘭卮請君爲樂及時昔年嘗怪醉鄉
胡爲醕酒淫康今日始知無荒但爲世路傖儂

西昌府志卷之二十一
不如一斗相忘

短歌行

車碌碌不停轂馬佚佚不停足
妾身繫匏君轉蓬別時乳燕今飛鴻
欲覓歸人問消息出門不識路西東

君子有所思行

岩岩鳳凰城冠蓋集咸京
謀夫盡樗里說士皆客卿
借箸意磊落掉舌辯縱橫
逢人贈寶劍躍馬飛華纓
平津結賓友蓋侯爲弟兄
金門旣捷

入椒殿亦知名秘策連宵畫奇功早晚成黃金
滿裝橐歌鐘列軒楹如何洛陽子憂時獨撫膺
竄身卑濕地誰明慟哭情

戰南城

去年師夜郎道今年師武陵口驅蠻如掃葉剪
苗如刈稿戰血春殷道傍石鬼燐夜逐荒田草
將軍氣凌雲壯士從軍老常時煙塵在漠北今
見殺氣炎州結常時介冑喜貪功今見刀筆成
金革閭里盡鷄豚戎衣生蟣虱鳥獸日駭奔網

羅無時息君不見唐家開元太平時關土欲盡
西南陞青海橫行哥舒將劍南不返鮮于師坐
令四海誇全盛天子宮中方洗兒當年不下石
堡路至今人思王節度

鳴鴈行

鳴鴈雖直北飛銜蘆羣鴈門歸只言搏風
入雲去雖有矰繳無由施此時鷹鷂正驕恣橫
天西來搏噬之鳴鴈生死不能知死者毛血交
灘徙生者斷行鳴聲悲管時隨陽富稻梁寧知

性命竟殘傷
鴈飛尚如此
凡鳥盡摧藏
縱有九苞雛
安望更翱翔

獨不見

駿馬紫貂裘
君提寶劍遊
暫辭卽萬里
少別亦三秋
白沙王門道
黃雲青海頭
胡霜長似雪
漢月乍如鉤
塞上哀鴻亂
閨中絡緯愁
紅樓葉盡落
綠陌柳更柔
並戲風前燕
雙鳴雨後鳩
終然獨不見
掩淚爲誰羞

從軍行

千金買戰馬百寶裝刀環笑別青樓上長驅紫
塞間三冬臨瀚海夜半度陰山盡取名王帳凱
歌入漢關

江南樂八首

欲唱江南樂且說江南春鳥啼初喚睡花笑獨
迷人

其二

草是同根草花爲並蒂花儂家衆姊妹相共鬪
穠華

其三

清明乍出遊風日不曾惡何似桃花飛道是羞
儂落

其四

桃花亦太早妾顏亦太好早殺不耐春好殺不
耐老

其五

門前潮水來朝來莫還落動作經年行始悟歡
心薄

其六

鷓鴣南枝鳥愁隨北鴈去儂家是江南但愛江南住

其七

江南無限樂苦只苦風波歎莫下楊子楊子風波多

其八

真紅芍藥花比妾好顏色不畏花顏紅畏使歡

心易

江南美七曲

江南美

江南二月雜花香
江南女兒競新粧
羅襪襍襍
舞春陽
舞春陽
亂春心
芳草路
綠楊陰

龍笛曲

珠明玉耀貯雲堂
橫嬌歛媚理宮商
龍笛哀吟
斷人腸
斷人腸
聲未歇
遏歸雲
止流雪

採蓮曲

碧波漱灩澄素秋
迴塘極浦接芳洲
香風搖漾

木蘭舟木蘭舟採蓮女蓮葉甜蓮心苦

鳳笛曲

流蘓寶帳翡翠屏美人吹笙學鳳鳴要耿連聲
徹玉清徹玉清凌金闕彩雲飛祥飈發

採菱曲

採菱渡頭菱葉肥菱花結子花欲稀薄暮儂歌
蕩槳歸蕩槳歸橫塘曲歌似珠人如玉

遊女曲

芙蓉色澤鬱金香春風芳襲羅衣裳紫庭金闕

樂未央樂未央心所悅解佩璫贈條脫

朝雲曲

彩雲連娟復超忽朝朝暮暮出還沒靈芝儻悅
留精魄留精魄阻高唐千載下鬱相望

白紵舞歌

織羅霧縠踏瓊筵雙袂齊舉應鳴弦楊蛾凝睇
自仙仙如傾若竦忽復前驚鴻翔鵲燕翩翩流
飈吹雪乍迴旋隨方雅化臻極妍爲遺佩絕不
遑安樂哉妙舞稱心懽佳人絕質世所希明粧

姣服增容輝永夜緩舞不言疲體輕機迅中心
飛游精蕩志誰能待河漢縱橫早露晞滿堂賓
客坐忘歸

折楊柳

春風大道旁垂柳共垂楊吹花還吹絮臨水復
臨牆寶劍沙場子金羈游冶郎年年折贈去愁
殺紅樓倡

出塞

朝發黃花戍暮宿白登營陰磧嘶胡馬長城列

漢旌角弓抱明月寶劍掣流星男兒賭身命一
戰取龍城

題大司寇趙公節孝承芳卷擬古樂府四
解

王琴不復彈錦瑟不復舒自君一見背形視魂
已徂陽曜爲晦冥悲風夜號呼寒燈暗總幃
蟬啼室隅入亦以旁皇出亦以踟躕解白石有
時爛青松有時枯日月尚薄蝕此心不可渝殺
身豈不易所憂六尺孤我恐非履米我苦非茹

茶但幸孤長成可以付遺書管爲懷中呱今爲

席上儒管爲黃口燕今爲九苞雛

解二

新婦入門

來環珮何穆如鷄鳴事盟櫛盈盈室中趨上堂

禮阿姑下堂視中厨中厨已朝空剪鬟復何須

但恐傷姑懷顏色以敷愉顏色以敷愉旁人爲

嘻吁

解三

天道昭不昧正直神所綏再世莫與京

赫赫耀厥閭前門施棨戟中堂奉天書霖雨遍

八荒觸彼膚寸餘允矣節孝名長爲百世模

解四

賴水來

時遇臨城聞水盛淹麥戲效樂府體

水來何漫漫昨夜已漲金鳳洲今朝定打蛟
湖岸岸旁老農長嘆息可憐新田好新麥一時
盡向泥中爛枉待除場打魄魄兒童生怕婆餅
焦阿婆哭向田中立

賽神詞

山村古募祠秋日播大鼓知是賽神時田家慰
作苦春水怕淹苗夏水苗如洗濕晴乾雨向神
乞青苗成禾荷神力耕肥酒清舞復歌靈之來
陰風入男採果女獻花田頭有禾園有麻歲

歲賽神樂無加

估客樂

欲知估客愁先言估客樂
估客樂何如樂不苦
田作大鰲浮吳楚輕車入咸洛
魚鹽十倍利秬稻四時穫
羅綺爛如雲珠璣光錯落
買笑紅粉樓買交青油幕
豪家結深驩朱門賜高爵
揚揚入城府濟濟溢鄽郭
農蠶力空勤詩書道良薄
但知估客樂何知估客愁
替時天地大今日網羅網
一關與一隘列戟森戈矛
緹騎馳左右貂

璫坐上頭攫金如攫肉慮賈如慮囚本以錢刀
故一身輕九州妻子生別離性命等浮漚始悟
時世異悔不歸田疇估客愁尚可民窮怨殺我
貨重穀轉輕骨肉甘寒餓咎聞太史氏採風聞
聖朝願將估客樂歌作窮民謠

陳氏荷華山房詩稿卷之二終

陳氏荷華山房詩稿卷之三

高安陳邦瞻德遠著

五言古體六十八首

述感十首

中夜步庭除
娥輝代華燭
幽曉媚朱蘭
輕飈動微馥
因之念哲人
含情在空谷
我欲携絲桐
就理清廟曲
可思不可見
喟焉傷遐躅

其二

佳人處重幄
形影自相吊
豈無桃李顏
恥向春

風笑時俗昧真妍衮服爭矜耀關雎久寂寞誰
能哀窈窕

其三

端居玩元化萬象孰經營紛綸靡終止反視寂
無形太極乘陰陽麤細悉天成三辰自照耀四
瀆自流行如何語寂滅自謂窮至精無名洵吾
始詎復異有名有生良匪幻詎用學無生

其四

夢父逐西日化林不知疲名勢已薰心歆如赤

龍飛竭蹙競時命嘻笑歎樞機虎尾蹈容易龍
領探如歸繁華逝於奪萬世誰是非不見孤竹
士去採西山薇

其五

命駕東郭門遙望高岡岑下有狐兔蹤上有松
樹林嚴風西北至寒氣生衣衿綠葉漸以脫榛
棘莽相尋玄雲布四野白日忽西沈安得魯陽
子揮戈慰我心

其六

留侯負神智授書圯上人赤手扶炎精運掌收
楚秦名勲塞天壤不忘黃石親脫屣人間世隱
見如有神我思縱橫術從來亦有因鬼谷本遺
世蘓氏竟殺身無乃失其初坐爲勢利昏

其七

阿閣待鳳儀凡鳥竟棲宿天廐須龍種駑駘備
駟服文棟鬱崔嵬丹轂耀離陸寂寥九苞羽斷
絕千里足爭粒何嗽喧總棧何局促嗟哉虞帝
廷空奏蕭韶曲猗與穆天子曷騁瑤臺目

其八

明珠出濁水瑩然秋月姿
寶劍幽塵匣拂拭光
雲霓皎皎仁義心千古長
若斯剝蝕有時加靈
根諒不移微陽發陰極
默照豈吾欺惜哉夸毗
子曉曉竟侵淄

其九

登高眺四野白雲何悠悠
言念同心友一別歷
三秋留滯繫周南慷慨
赴燕幽飛蓬無定止宿
夢安可求興言理瑤瑟
山高水自流絢絃去其

軫感慨殊未休

其十

西京正全盛冠蓋如雲屯
狹路交珠絡廣衢隘
雕軒翩翩冶遊子錢刀換冬溫
伯松代草奏子公結弟兄
掉臂龍尾間况乃五侯門
平津老經師坐據丞相尊
持議多陰陽憂濟復誰存
一言誅大俠俛仰道未昏

月夜泛湖

深林集昏鴉遙岑聞暝鐘
是時波無驚進艇颺

徐風輕篙觸泳鷗柔櫓喚潛龍湖光裕圓魄皎
潔磨青銅倒挂九屏風散作千芙蓉蕩然金銀
闕照耀馮夷宮其上古仙人鸞鶴紛相從眷焉
念塵躅茲境何當窮

感懷二首

采蘭欲盈懷采菊欲盈抱采之將遺誰美人在
遠道蘭菊自有芬美人自有心願以歲寒質托
茲千里音

其二

悠悠水東逝冉冉日西馳遊子一遠行駕言歸
何時千里莽蕭條饑寒生亂離念持鴻鵠信慰
我心中饑故人不得見故鄉安可知浮雲從南
來翹首一問之風波忽失所遊子但依依

古意

翩何浣紗女顏色照江汭詔選赴掖庭一笑紛
百媚華袿復垂璫爵釵仍間翠君王一見知恩
寵天上至無論中山妾不數平陽妓寧知按圖
畫紅顏翻爲累歛分守房帷幽蘭托深契春風

任敷榮桃李非吾企榮至常苦衰寵至常苦棄
人生等薄命焉能怨憔悴

讀史有感二首

賈誼慟積薪卑溔隕南服更生攻外家幽憂沈
北獄元禮抗模楷肢體被三木文舉恢天綱刀
鋸嬰九族四賢達者流明哲無餘燭胡爲赴羅
網動與危機觸丈夫自有心焉能學鉤曲雖云
當門鋤千載留遺馥

其二

藹藹京城內翩翩遊俠兒
關鷄金作距走馬玉爲羈
通藉本椒房顧盼生恩私
旣請考工地復奪沁水基
謂言山可崩富貴無盡期
豈知九秋條密代三春萸
繁霜日夜零雨露何由滋
聲華自飄忽空留後世嗤

遊虎丘作

羈懷困留滯遐賞慕岑寂
孤岫出寒雲振衣慙所適
怪石列巉巖清泉互哀激
輕烟媚蓀蕩晴日耀金碧
撫景嘆紛囂感時况蕭瑟
徒欽靜者

使久逐勞生役目覩生公臺魂驚誌師錫空門
匪我思名山堪托迹

登黃金城山有述

力田不逢年射策輒遭屏心無避世高迹有棲
巖靜於焉得逍遙屢憇幽遐境洗耳覓寒泉晞
髮來翠嶺洞門烟霧深石壇鐘磬永感彼浮丘
公千秋遺丹井不見馭鶴還空疑白雲影神仙
自渺茫圖經况寥泝餐霞非吾慕逐羶良可悶
何當師漆園養恬却天楨

寄別孫季屏

秋氣忽已宴悲風摧槁枝端居自惻愴况乃念
睽違故人卜良晤書來慰相思人事復作乖我
懷增惄饑山河生跼步何論天之涯回思春夜
長促語屢停卮念子負高韻世網謝所縻徘徊
中谷情咀嚼考槃詩鴻冥信誰慕鵬搏自爾時
達人金石心出處豈磷緼願言順時化大觀以
爲期

爲友人廖孝廉悼亡

明明河漢月照此西南樓枕簟辭殘暑衾裯生
素秋感此歲寒意喟焉思好仇踟躕立空堦入
室如有求芬芳餘篋笥寶瑟挂牀頭艷艷流黃
機綺光洵盈眸彷彿驚若存魂定涕泗流蛩蛩
信何蟲併足恒行游鷦鷯復何鳥雙戲河之州
微情有終諧大運無淹留莊缶良可歌命爾當
誰憂

書姑蘓毛中丞公墓卷

中丞藏蛻處千載吳山聳一一虬龍蟠片片蓮

花擁危岫霞自標幽竇乳兼湧神靈應呵護松
柏故森拱世無陵谷遷事有汶陽恐豪者空涎
垂名德世所重自管齊門蘓不及柳下壟豈以
鄭公鄉而慮要離塚作詩警薄偷要使曹蜍悚
同籍試政禮部凡三十三人相繼別去至
秋杪在者四五人而已是日偶俱未至獨
坐悵焉有作

伊余始通籍肄政乃南宮英英羣王聯趨蹌禮
數同志意各豪逸振藻揚華風卑顧猶管樂高

步卽夔龍歷時徂夏秋聚散有西東撫跡嗟繫
匏念別嘆飛蓬陸沈慙素尚緇化忤塵容豈不
願翻飛世網嬰吾躬仰瞻中庭樹落葉何溟濛
俯盼堦前鶴毛羽何丰茸佇立以徘徊我思浩
無窮

秋日含山道中見道旁多柳臨水依然戲
嘲二首

楊柳青春樹何事強經秋葉密猶遮路枝長尚
拂溝雖然未搖落也自不風流

其二

我嘆秋楊柳頗似邯鄲姬老作商人婦猶穿舊舞衣強美陽阿態不悟細腰非

復爲戲荅二首

楊柳故多態春風寵不輕春風旣以歇柳色爲誰榮一曲盈盈水應知無限情

其二

美姿春日裏橫被輕薄名含意秋霜後誰明憔悴情秋霜復春日此恨幾時平

歲暮別友人范求之

明時寬文法微官得自由
稅鞅伏故里匪慕泉石幽
娛親愜所懷圖史亦校讐
愛子寡俗營時能顧林丘
前山吐秀色朝夕媚南樓
興至命杯酒可以忘百憂
矧復先天秘微詞得共抽
歲暮當睽離情與遠別侔
懷抱向中年少歡復多愁
良無絲竹瀉惟賴清言休
此意君所解他人安可謀
相期春雨夜洗耳聽寒流

自潯陽渡江舟行湖泊間百餘里薄暮失

道夜半始抵黃梅詩以紀事示友人宋直夫

曉渡潯陽江江流疾於筭維時秋雨漲川陸同
浩衍泛舟入平田蒼茫望楚巘行行斷岸迷忽
忽孤樹并每慮波濤翻屢訝峰巒轉崩崖稅叢
薄古館藉蒼蘚蛩蛩聲咽雨哀燈焰困風淺故人
同我來征衣濕不捲握手出苦言身世嘆回蹇
行路濶已難別離况不免一誦對牀句千秋重
悲泫

再贈徐見可太守

結束事遨遊車馬各有從
落落京國間晤言誰
與同夫子抱嘉尚未見意已通所貴在希音而
豈悅者容永言陌路塵長得奉清風如何金石
蹤一朝成飛蓬貽子幽蘭花爲子發絲桐蘭以
結永好桐以爲深衷深衷不可道明德以爲寶

紀同會詩兼以言志

京洛富遨遊聯翩挹華袂時清寡俗營文史列
高會斗酒美篇章尺塵竊玄致高誼婉金石素

心謝肇悅測來意躊躇探住氣凌厲草昧闢人
文劉宋振遐轡中興振名理王陳復高視連衡
北地盟拔壘濟南幟前修多周行尚友從所契
豪傑各有時吾道本不墜願言俱努力流光難
久媚

呂太母貞節詩同年蘭谷戶部之祖母

要知同穴盟胡然截髮誓倉皇存沒間躊躇今
古誼難以蓐蟻微而捐血食計勉從忍死艱姑
含殺身易寒燈總帷暗白日孤房翳魂與逝者

歸形爲存者視百死併一生一生併百世痛定
值天回慶餘協神契誼自高管彤休仍楊帝制
二曜欲爭光精魄有時蝕爛爛當日心後天而
無既

代贈蔡尚寶致仕

謝公江海人雅志與世捐一爲征西出東山遂
藐然具舟泛海道此意成空言古來賢達人出
處誰獨全蔡侯靜者流志行薄雲天平生長安
路不受金張援仕宦六百石聲名四十年一朝

脫章綬用意無濡牽意釣不須魚雲耕不須田
人生貴自適安能役化權寄謝青雲士無爲白
駒嘆

贈程用貞秀才

程生振奇士氣如秋蘭馥遲徊京洛間被褐而
懷王所向異世情時能顧幽獨論詩得微言三
歎清廟曲

苦熱

炎氣盛南服首夏已酷烈赤日薄簷楹熠熠洪

爐色戢身斗室間動如觸樊籬尚自厭休澹况
能疲請謁冠屨爲我讐枕簟亦徒設假寐曲吾
肱形顏仍氣塞中宵漸清夷起步前除月涼風
從何來條然類林樾境寂慮自澄心曠神先悅
悲哉苦熱情誤疑天地窄

舟次南康連日大霧望廬山不見有述

鳴榔出曲浦挂席進長川我行方迢遞撫景復
茫然天光混波濤江影亂雲烟俛仰但一氣曠
疑鴻濛先眷焉念名山儻恍失巔岼冥鴻空滅

沒鸞鶴自盤旋
咎時獨往人
奇蹤難扳援
采真信不忘
逐羶良可嘆

舟夜書懷

背親遠行役
離緒日千端
矧復此留滯
而能忘浩嘆
北風晨夜號
哀鴻叫江干
賈舶方鱗次
異語厭喧煎
閉牕理簡策
秉燭命杯盤
豈不陶余衷
暫適匪真歡
所嗟道路長
歲月忽復殘
我生亦以勞
世途多險艱
故沼娛鳬鷗
深巖樂狝猿
寄語巢君子
蓬艾洵可安

夜坐記漢事偶書所見四首

高帝建大業良平爲親臣潛機帷幄間翕張駭
鬼神外庭不聞知敵國徒崩奔海宇旣寧一就
封何逡巡神謀本隱施大猷寧顯論我苟居其
成帝略何由伸矧與十八侯區區次等倫跡遜
道逾尊契密主彌親代終理則然匪獨完其身

其二

更生傳箕疇本以王氏故上下千載間災祥列
蒼素精忠吐危論主寐竟不寤一言出安昌外

家盤石固徒令術家流妄意測冥數符命旣以
興諂諛非一路國師竟披猖家學豈其誤利器
元貴藏玄象尤忌露仲尼罕言命此意默可悟

其三

真龍奮白水英傑競攀鱗煌煌雲臺上丹青耀
天垠胡爲新息功不與諸將倫明主愼厥微懲
禍塞其門巨君移漢鼎實惟椒房因乃知當時
意所嫌匪嬖親

其四

子陵值興運時賢方濟濟胡爲羊裘釣不舍桐
江水孔明當喪亂高蹈固其理胡爲久龍臥遯
以三聘起名勢正葦羶俗溺賢者鄙英雄方困
滯時顛義士恥出處雖則殊救世同一軌

別閔昭余屯部再贈三首

輕雲出巖岫旭日耀川湄念爾離別日當此青
春期林內同聲鳥園中並秀枝如何攜手好忽
在天之涯

其二

慘袂河梁道悵焉望京陌遙岑歛霞朝遠水沈
霧夕人生有金石岐路多南北所願諧古歡誓
悲匪乖隔

其三

至寶無輕售希音寡急操古來賢達人養志在
蓬蒿身顯心彌晦跡退道逾高信子多遠志願
予徒心勞

曹能始席上賦得後湖看荷花

命侶愜超曠臨流愛清泚湖光淡欲空秋容淨

無滓欲濟鮮方舟蕭然望回汜蓮花如佳人綽
約正自喜婷婷無近姿艷艷有餘美色與輕霞
亂香逐微風起零芳時不留寄遠情曷已可望
不可涉日暮悵煙水

謁方正學先生墓有述

維咎草昧初人文驟開張劉宋旣奮躍夫子復
軒昂力能扶興運志欲恢皇綱制作追成周風
俗慕虞唐天意竟難謀大命信靡常廟堂方拱
揖干戈忽搶攘乾坤旣重造日月遂移光嗟哉

西王在寺以方言考一
命世士堂堂委劍鉞天未興禮樂世徒惜忠良
千載茲岡下六月凜寒霜

留別同社諸子

南宮富才彥矧多江海姿結交惟古歡抽毫吐
素詞而我澹蕩人喟焉同襟期朱絃發流水洋
洋心自知玉壺貯清水皎潔不須疑興言歸故
山慷慨臨路岐人生非形影安得長相隨貽子
青玉案申之古別離金石願相保邁子當有時

贈別張我先國博

我管懷古人喟焉隔千秋與君一相知如並古
人遊君德何所肖不琢出天球君心復何似古
井波瀾休默令語者思靜令躁者羞我有童之
心醉醒而病瘳願爲形與影動止相綢繆何當
學蓬梗風波不自由睽離非所嗟吝鄙良可憂
爲君申此章以當木李投

寄懷董崇相國博

董君素心人韜光有餘照卓行曾史隣閑學馬
鄭紹沉冥四門署所慕匪華要匠心發獨智玄

牝關衆妙摠以枝葉披逾覺靈根耀伊余秉微
尚莫逆成一笑英遊豈不多憶子諧孤調

銅雀妓

寂寞分香後雀臺空復春紅芳新樹色白髮舊
才人錦帷翳曙日寶瑟集流塵西陵一以望淹
涕自沾巾

枝隱爲吳文中賦

至言泯非是曠觀渺諧昇瑩心悟物化萬籟齊
一吹窮大豈嵩華倪細匪毫刺所以至人心條

然冥所寄閩南有佳士夙尚抱玄契跡本江海
超道更丘園貫盤礴宋王門賣藥壺公肆聊寓
枝隱稱逍遙乃其志遐舉非吾慕卑棲庸我繫
俛仰枋榆間九萬有餘地此意誰可言南華交
一臂

送張大來太守之泉州

送子長千道倉皇攬子袂與子爲同舍別離在
須臾別離向何許閩海天一隅畫熊爲子軾朱
幡先子驅子行旣以邁我獨胡踟躕同心而異

縣自古所惻吁閭閻無嘆息田里有安居烹鮮
洵良喻拔薤亦嘉譽願附古人誼贈子等瓊琚
期子崇令德保子金石軀

獨行

獨行猷畝間顧影何踽踽念有沮溺徒躬耕可
爲侶世風益可哀機變及田里入山恨不深袒
跣從鹿豕

春日臥病齋居

伊管邁熙陽所至宸遊眺山水愜孤悵金石諧

同調冥搜必幽壑崇陟動層嶠陽林浥晨露
崖披夕照命觴恣留連興詞理玄要微疴遂今
纏佳遊難往紹戢躬一室閤惻愴馳際羅幽鳥
適咿嚶落花時窈窕會心欲誰陳往往成獨笑
妙真宮

背郭氛埃淨近山白雲冷
中樹翳春林煙霞闕
靈境不見煉丹人寒泉注深井

春日登荷華山有述

吾邦旣與壤茲山尤靈區
管者遁仙棲今焉結

吾廬畫圖列屏障蒼翠滴堦除煙景窮變幻草
樹亦扶疎延矚忘近遠散步信盤紆雲霞生屨
鳥芳香襲衣裾居然踐齒萃恍若凌空虛古賢
慕名山脫屣輕妻孥矧以仙靈宅近與園田俱
真想慙匪夙庶用托桑榆

春日喜雨

仲春農事興應節來甘澍始聞靈飈入俄見玄
雲聚浙浙灑崇朝瀏瀏泛薄暮溝塍乍流膏井
泉仍潑乳抱未喜盈疇荷笠歡鼓路斷續鳴屋

鳩高下翔田鷺丘樊多芳藂庭堦有嘉樹沾潤
自敷榮滲漉皆成裕漱澗竹光披荏苒花香度
幽居誠寡娛於焉愜佳趣

僧居述懷

羈人易爲安所至懽蓬藿况乃僧房清行李托
棲息淨几橫詩書疎牕施枕席偃臥性旣便行
吟意亦得日出流雲輕雨過樹光白好鳥鳴墻
間鯨魚出沼側欣然會我情詎復念行役機忘
物自親俗遠境恒寂有意欲誰傳瑤琴掛虛壁

望荷華山

靈山長在目可望不能攀山頭有白雲時去復
來還我念巢君子心與此雲閒草衣而木食可
以遺塵寰胡爲坐惆悵空思烟靄間

東西家問答

東家事田作西鄰駕車船車船遠行遊估販贏
金錢魚鹽出吳蜀犴蜀來秦燕不知時事變今
年異常年貂璫據要津緹騎橫路邊搜括窮錙
銖垂橐淚雙縣歸來謂東家不如力農田南畝

無風濤禾穡碩且堅雖無巨萬貲室家幸安全
東家復嘆息子言殊未然垂髫秉耒耜輸租不
息肩官府勤撈掠黃耆膚無完力田良不易子
業未須遷

擬古

藹藹京城士被服多華鮮少年獵篇藉摘藻如
雲烟上陳皇王務下合當世權英風蓋萬人逸
氣摩九天飄纓金華內竦轡長秋前楊馬寧足
齒平津差比肩南國有陋儒執經窮歲年澹焉

守玄寂微尚疇與宣

其二

燕趙富奇俠猛志在橫行出身事明主性命非
所營撫劍西北顧意已無欃槍蹴踏焉青山洗
戈瀚海清匪邀通侯貴思垂麟閣名聖朝方息
戰壯士徒輕生君子思鼓鼙詩人詠干城惜哉
雄傑士埋骨向榛荆

抵杭之五日往括蒼謁臺使舟次口占

余本澹蕩人始爲文俗吏簿書故有程毛舉動

如蜩三食空啖肉五日不知味昨者出城闔陸
祠偶登憩平湖一鏡澄兩高雙螺翠頗怪塵土
胸略無山水契茲行復何之升車慙攬轡逢迎
自世禮執掌詎王事改舟宿江干中宵耿不寐
短燭照人明寒牕向水閉咄咄陳元龍已除湖
海氣

閔雨

炎夏方赫曦玄陰倏四周陽德一以愆積沴遂
難收朝煙蔽叢薄夕霧隱林丘恒雨定何徵帝

心不可求悲哉此澤國人命寄陽侯衢街漸橫
溢江河成逆流環堵尚不保矧復問原疇墻苔
何漠漠饑鳥日啾啾伊余方遘閔觸緒與神仇
念彼飛鴻哀增此維鵜羞躊躇撫淋瀝曷以紆
煩憂

春日對雪有詠

春陰忽以繁暝色沉江郭漏下氣轉嚴雪花遂
紛落疎英綴庭樹寒光搖牕幕曙柵誤鳴鷄凍
簷逗栖雀堵除何淒清雲天自寥廓欲問孤山

梅未控緋嶺鶴逸興難可留幽懷誰與托凌厲
想高丘沿洄憶幽壑空吟招隱詩注目寒山閣
寄語岩棲人憐予在塵縛

雨中泛湖漫述

朝霧忽以濃留雲逗木末雨色接湖光逾覺煙
波濶因之赴中流扁舟遂超忽靜無魚龍厖開
有鷗鳬沒溟濛冲氣盈澹蕩塵襟豁漸近孤山
路微風度香雪

紫陽洞有丁野鶴遺蛻

吳山無不佳紫陽獨勝絕石磴疑神鑿雲關亦
天設乍窺驚崿岬轉涉愛幽豁林巒匪一態煙
光互明滅淒淒白日冥嫋嫋涼飈發管時餐霞
人於此蛻塵骨孤鶴去無還瑶草方徒歇長生
本空言精靈憑誰結萬古滄波流百年飛鳥瞥
吹簫跨彩鸞黃土何分別欲將曠士懷轉爲靜
者說

寄荅歐宜渚憲副二首

宜渚有樓曰寶訓訓者其先太公家

和福自生一語也書來索題

雙魚自何許遠自楚江潯中有尺素書貽我瑤
華音開緘長嘆息故人猶故心河山空契濶形
跡徒商參高誼良可懷世德尤所欽卓哉至人
言允爲未俗箴我欲抽其義短綆難汲深愧無
青玉案報子雙南金

其二

層樓成肯構寶訓標新名藹藹德門內和氣穆
而清豆籩秩几筵環佩儼堦榮埴篲無違響琴
瑟有佳聲多祉神所綏餘慶理則明五福川方

至百祥日初迎薄俗通澆醇骨肉化機槍願子
播先徽協氣蒸寰瀛

陳氏荷華山房詩稿卷之三終

陳氏荷華山房詩稿卷之四

高安陳邦瞻德遠著

五言古六十九首

春夕偕監司諸公集南樓

春日美遨遊勝侶頻招集崇登歷脩巒遐眺窮
廣隰城南有高樓欄楯凌空立迎霞朝棋暉宿
霧夕牕濕雙塔峙嵯峨三山還拱揖綺陌紅初
斂芳郊翠可拾置酒得逍遙簿領匪所急明星
匝座繁惠飈尋帷入時清樂事饒道在玄風翕

寄語當途子陸沉吾已習

讀林尚書見素集

尚書富經術勁特况自許爲郎推韞藉孤忠犯
明主巨奸同指鹿衆忌等投鼠洒血叩龍墀風
采動朝宁九死尚可輕百折誰其禦時屯賴經
綸間關勤華縷竟愜箕頴情更值臯伊舉正色
立新朝觀時非所取晚節重璠璣遺編珍鼎呂
九原不可作吾歸竟誰與

遊仙

蓬萊在何許五城十二樓
夙管窺見之仙人招我游
駕帆凌絕島拂衣登層丘
鸞鶴紛前導高下紫煙浮
王女列左右安事媒蹇脩
吹簫奮逸響靈璈更唱酬
海日射扶桑天鷄破昏幽
悅焉心若失市朝安足留

招隱

玄賞非俗韻達人多逸躅
長嘯望中林振衣從所欲
靈苗秀崇岡幽芳聞空谷
峭壁丹霞披深洞白雲宿
石泉瀉哀音泠泠非絲竹
道心本超

曠人世傷局促茹芝可療饑安事糜廩粟宜從
赤松遊莫就季主卜

幽居

幽居苦岑寂蟋蟀聞我堂觸物感愁緒起步獨
旁徨登高以騁望聊用豁中腸窮村接曠野所
見何茫茫北林振驚飈西岑逝流光宴安誠足
懷年命不可常良馬志廣路猛士思敵場鬱鬱
松與柏枝葉日夜蒼常恐摧澗壑徒自凌風霜
造別宋直夫歸途寓愴

曠野號悲風寒林澹白日出門欲何之顧影中
自惕良友遠行邁念我情非一已廢蓼莪我詩復
乖雁行翼餘生易摧頽憂心如糾繹慷慨平生
親徘徊岐路側逝水無停波浮雲互相失誰能
揮長戈天衢頓義輓

苦次荅文麓兄見唁

冉冉日沉山淅淅霜墮林悲哉客游子將母歲
何深音徽忽不留板輿徒傷心苦被浮榮誤詎
期至痛臨殽身匪所贖砭骨矧能禁酬暉謝寸

草反哺愧微禽
蓼莪不可讀
風木切哀吟
寒燈照總帷
中宵涕泗淫
感君發誠言
大息沾我襟
願以溝壑軀
終生荷德音

七哀

驅馬還故鄉
故鄉何蕭索
商氣慘以悽
萬族靡栖托
榛棘莽縱橫
驚飈逐飛藿
曠野號悲猿
枯林噪饑雀
入門涕自滂
高堂已寂寞
衣裳在篋笥
几杖塵帷幄
芳醕盈玉壺
含酸對三爵
白日頽空簷
寒燈暗虛閣
憂愁不能寐
宵溜承簷落

喟焉傷肺肝撫心向冥漠

書憤

長夜多悲風積陰蔽朝旭晦處如堙蟄誰能顧
幽獨興言念所親路阻隔川陸瑤琴絕朱絃何
以抒心曲

偶述

捐軀豈容易夸者不自悲權利一熏心性命忽
如遺商君軀先裂李斯族後夷主父具五鼎赴
死如甘飴操術同莫邪霜刃昧倒持旣枉百年

生仍留千歲嗤

紫薇花

奇植煥星精紫薇錫嘉名廣墀托貞根歲月已
崢嶸幹枝日滋耀花萼足敷榮麗姿迎日秀縹
彩闢霞明潏灩輕颺舉的歷珠露盈徂暑氣彌
郁涼秋色轉瑩桃李植上苑徒能競繁英芙蓉
生江渚水月亦淒清何如此嘉樹秀挺獨天成
華堂盛光彩歲晏含芳情紅顏執高節何用慕
傾城

夜坐聞村落微巡書感

有生信不易豐年難可得民訛緣吏偷閭井遶
騷屑孤村異古戍刀斗紛相戛四壁照寒燈所
懷諒非一樽酒忽已空何以終永夕

夏日道中

愛此茅簷下坐久聽鳩鳴涼颺一以過籬落有
佳聲樹陰相映帶披襟愜我情未憂塵垢浣前
溪可濯纓

讀湛原明先生白鵲白鹿白兔賦頌有作

原明本耆儒潛修遠聲利
弓旌盛新朝談經晚
入侍防否戒逸游兩疏皆
讜議禮樂正紛更夙
聞未甘棄作頌侈三瑞無
乃非其志俛仰新貴
間操術嫌獨異所以轅固
生正色鄙阿世

欲雪

漠漠同雲色連山似欲沉
想得瑤臺女將動散
花心我本梁園客好爲雪
下吟今夜一壺酒寒
梅何處尋

雪後山行志喜

驕陽愆秋序涉冬氣轉虐土膏盡爲塵池枯井
脉涸一雨稍回潤同雲更漠漠中宵頓淒嚴雪
花遂紛若曉田氣如蒸氤坼生微潄村畛走相
勞從茲及春作我時事山行欣聞人語樂最憐
枯樹枝蔌蔌瓊葩落何必向平臺豪吟動清酌
眷焉念無衣忍寒甘藜藿

服闋後歲莫述懷

幽居自岑寂晏歲益蹉跎吾生本僇餘保此亦
已多雀羅宜在門朋舊仍屢過豈念燃死灰俗

醇情靡他晴雲被危椒芳蘂發柔柯觸景愜情
賞迎眸欣物和所惜流光邁滔滔如逝波學道
嗟已晚夙至當奈何

東坡先生記西邸詩余奉使西邸見書此
數句愛而錄之云人間有漏仙兀兀三杯
醉世上無眼禪昏昏一枕睡雖然沒交涉
其奈略相似相似尚如此何況直箇是夜
坐偶讀此妄成數語

學仙兼學禪總不關吾事但愛三杯後陶然一

枕睡平生蘓長公聞道契不二到此欲無言若
分真與似

途次卽景用扇頭韻

山行春正敷野望晴更敞樹郊鬱如薺麥疇平
於掌原旭麗金鋪林烟織翠網黃鳥向花啼蒼
隼盤雲上徐風何處來飄泛遞微響容與失西
東嘯傲恣偃仰達士陋一室茲遊方浩蕩願言
托扶搖一縱天池賞

夜聞蛩聲不寐

青燈半明滅星月隱簷楹四壁何蕭條未秋虫
已鳴入耳悲聲急撫襟涼思生徘徊不能寐中
夜難爲情

復熱

秋聲初淅瀝殘暑欲隨風驕陽胡滯留炎氣再
蘊崇涼露無涓滴火雲日當空室卑地且隘何
以適吾躬池塘憶清深竹樹想丰茸洞門吹陰
雪絕境無由通世事如膠漆塵土長相蒙白頭
守妻孥四壁類觸籠不辭萬里行甘心逐轉蓬

霜颺日夕至仰視送孤鴻

秋熱轉甚望雨未遂賦

蓐收不司令金氣久沉伏涼颺來何遲愆陽勢
轉酷焦原氣如蒸爍石人誰觸我心何鬱陶我
居苦局促佇立傷面墻高臥嗟仰屋無由窺洞
壑不及邈空谷文鱗沉清淵逸羽凌雲麓非潛
亦非翔低徊躬如束避暑思袁紹悲秋怪宋玉
晨興厭殘星宵坐畏明燭雲雨未虛無端爲洗
煩燠

曉征

赴友人鄧太守時寧宅交

鷄鳴天欲曙殘星掛木末遙岑籠輕烟綿亘同
一抹草光帶露明樹色含風活歛翕紅輪升蒸
霞耀高壁秋清景自佳我情胡不適伊人平生
親今作夜臺客慘袂記別離縞帶憶疇昔掛劍
在茲行舍徑恨蕭瑟

喜雨

場圃雖已登秋禾尚被地炎蒸苦不休壠畝如
火熾零雨從何來翕歛飄風至決決初流溝溜

溜忽盈澮誰言天澤遲殘苗尚可濟田翁喜相
勞意洽語轉細似言災傷頻聞閭日憔悴連年
困倉空何以供王稅信有皇天慈及此施滂沛
催租已無虞糠粃聊卒歲向暮更蕭蕭佳聲聽
無睡

安義道中望西山

西山何迢遰蒼然望不窮連娟如脩眉翠色媚
寒空我思陟其顛將身隨飛鴻胡爲阻遙睇浩
歌托悲風勝境豈無緣岐路方未終思殺洪厓

子泠泠超鴻濛

廬山道上

山行不厭高香臺出天半
游子苦飄零所喜窮壯觀
歷險誰云勞探竒固無憚
驅馬未可停對景心煩亂
秋清風物淒倏忽煙霞變
雲深古寺藏木落寒岩燦
驛舍啼猿側古道霜楓畔
杳然去何之鐘聲遙遙漢

述征四首

巖耕本吾願世網復相牽
誰能守妻孥稿項窮

歲年驅車度城闕秋氣肅岡巒霜露未零落草木尚蒼然飛鳥如有情哀鳴過我前回首惜荒蕪惆悵南山田

其二

整轡赴脩途駟壯忽嘶鳴親交羅路隅相視各怍營握手出誠言壺觴三四傾垂老異壯遊努力萬里行昕夕多所慮霜露未宜輕人生不易知此語若爲情浮雲以徘徊草木盡悲聲

其三

明廷間珪璧清廟列笙鏞濟濟當世士要路策
高蹤通籍三府貴結交五陵雄心薄蕭曹業口
輕衛霍功而我獨何爲道路等飛蓬賢者常自
賢榮華坐相蒙愚者常自愚骯髒難爲工

其四

客子常畏人所畏復多端陟山多危巒涉水亦
驚湍日長時苦饑霜落先知寒藹藹鳳凰闕鬱
鬱雲山盤我馬何遭迴日入不遑安國恩殊未
報慷慨摧肺肝

楚岸

楚岸多沮洳蘆葦遍廣斥蓼花緣其間掩映綠
紅碧行子眼爲春秋氣正蕭瑟自取慰羈愁所
遇強成適信彼艷陽春持媚遊冶客未忝更離
離夕陽照阡陌

途中述懷用杜體

憶年總角時學步翰墨場呻吟事帖呬意似輕
文章縱橫喜大略開口談霸王賈誼哭盛世文
舉恢頽綱安石志興晉敬輿力扶唐古人真我

師負氣何激昂弱齡充鄉賦入朝觀國光便思
叫閭闔高步躡鳳凰時命不我諧舉足觸藩墻
五下春官第平生只空囊裘馬去何之舉世無
鄭莊挾策空入洛曳裾恥游梁歸來守田里愁
見南山荒窮儒寡天幸力耕希豐穰慈母闕旨
甘病妻困糟糠兒女遲昏嫁歲月何奔忙同學
厭貧賤閭里笑輕狂有時浩歌發撫劍天茫茫
死爲壯士羞俠骨無由香詞場幸晚收英俊起
相望待詔通金馬獻賦謁明光撫已異疇昔歛

翮遂高翔致身恨不早所慕在北堂跡羈黃金

臺魂斷白雲鄉希祿償負米南國乞爲郎匹馬

出京華片帆指建康舊都富方彥京洛並煌煌

舊遊惟朱子

密

携我相頔頔鄉里多名輩達者

曾與楊

見台止菴

遇我同國士謂足充琳瑯許與無

凡俗結交盡老蒼黃門抗勁節

思

駕部蘊剛腸

赤祭酒直耆碩

雲嶠

博士洵賢良

見龍

謬以麋鹿資

廁茲鴛鴦行分曹多暇日文酒得徜徉精心理

墳典奮舌論興亡所陳皆大體憂國念民瘡聲

華非所急歲月忽以長聖朝無積薪序次如雁
行揚麾出吳越分轄走閩方王馭不復返潘輿
喜相將入室間起居出門視堂皇閭閻撫瘡痍
道路屏豺狼陳力雖小効志鬱終不揚皇天奪
所恃泣血廬故園內分填溝壑况多狗馬殃偷
息苦塊間鷄骨亦屢僵造化何至仁竟爲起膏
盲杖策復何之感徃涕泗滂男兒已背親報國
死封疆妻子豈足繫齒髮舊已忘恒恐膂力衰
無以拯勛勦道路阻且悠天寒下嚴霜朔風吹

我衣零雨露我裳鳥獸爭竄伏我行獨徬徨以
壯輕遠適垂老情易傷誰能泝滄海繫日向扶
桑

征懷

遠適有常程攬衣夜未央微雨石盤滑欲進候
晨光朔風方怒號獵獵吹征裳狐兔伏莽莽飛
鳥少翱翔浮雲復慘澹游子獨徬徨緩轡妨日
短疾驅畏馬僵遠遊令人瘦此語殊可傷

北峽關

早發長河岑晚投北峽戎鷄鳴戴殘星落日沉
煙樹鄙夫謝孤尚暮年疲道路林昏宿鳥歸風
靜寒雲聚帝鄉尚茫茫焉得反回顧異時學老
農保此桑榆暮

自北峽抵梅心驛小憩

客程窮險艱所歷殊未艾陟岫縈虹霓入谷赴
叢蒼高風蕩虛壁寒流咽石瀨路難景自佳力
疲心固泰驛亭頗疎散休沐停車蓋獨酌慰羈
情豈必佳客對神游杳靄間目送飛鴻外浮生

老長途焉能恒嘆慨

曉發

客寢恒多驚鷄鳴動征鐸出門望川原秋色寒
漠漠煙樹不辨行惟聞風葉落勞心自嗟嘆終
年隨飛塵道路不可常此身異龜鶴

渡淮

渡江望江南渡淮向淮北去家日以遠游子意
悽惻淮流正清駛徐風蕩微渾日煖鳬鷺浮天
高魚龍匿陸登望中原大道如矢直落照滿青

徐蒼然秋一色遠遊方自茲眷焉念蓬華

過符離感張魏公事有述

魏公宋宗臣堂堂自萬古志在扶王室氣亦吞
狂虜富平及符離再出耀旗鼓瓜牙一不中大
軍挫雄武勝負兵家常計定終莫禦廟堂志和
戎未念嘗膽苦上心一狐疑廷議逐首鼠從此
江淮師不復窺齊魯我來古戍前陰風吹榛莽
時清無戰塵列城檄樓櫓尚思裂南北中原滿
豺虎英雄事不成賁志沒黃土吊古向蒼茫悲

歌淚如雨

憶兄

人生不可料雁行今半存齒髮各已暮幾時爲
弟昆昨者向離別開尊細語溫勉爲慷慨言令
我易出門關山日以遠憂思日以繁故鄉當落
日回首烟塵昏

次桃山

彭城已在望桃山路猶長白日澹榛棘驅車越
迴岡路傍何王墓松柏鬱相望高風嘶白馬秋

氣忽悲涼冉冉浮雲聚肅肅鵠雁翔歲月日以
暮我行殊未央古來英雄人骨朽餘戰場徒令
客游子涕泗吊興亡

途中月夜

皎皎中天月流輝照我床夜深不能寐對此神
飛揚攬衣視河漢始悟天一方故人今何處延
賞共清光關河墜毫髮桂樹影蒼蒼涼風四面
來蕭颯動衣裳茲景足娛悅愁思聊暫忘

孟廟

碧殿繞朱垣檜柏鬱蒼蒼遺像千秋嚴俎豆四
時闕大哉仁義傳遂自黃虞歲洙泗何皇皇微
言易榛莠伯圖赫宇宣功利日薰熾七篇一以
出烈風掃紛翳當世無斯人吾道得無墜日月
炳中天江河浩行地乃知闢邪功亘古同元氣
至今管商徒談者猶噤喙束髮誦遺編白首虛
砥礪往來謁宮墻流汗有餘喟願言遵周行畢
世差詭遇

卽景

季秋草木清霜飈亦未迅曉行風柳疎迢遞青山迥落月有餘輝朝霞已先映幽事關深情悄然發孤詠

閔旱

客行秋已杪炎氣猶未終常年感搖落此日憂蘊隆亭午威逾盛日車鞭祝融涼風何時來蓐收竟無功綠樹豈不佳禾黍已併空螟蝗方遍地來牟何由豐居人語惻惻游子意忡忡所願氛祲除敢辭零雨濛

莆曾公遺像

曾公江海姿靈機亦天秉壯歲值艱虞心遠非
務屏栖跡尚里閭杭志在簞潁逍遙君平肆寂
寔蘓耽井歲寒霜雪零松柏自孤挺遺經等堂
構脩業金華省曷以繫遐思神采丹青永衣冠
太古存升堂儼脩整尚想拜龐公床下龍鸞並
擬羽林騎閨人

初日照高臺春風漾桃李閨中愁居人陌上念
游子青絲何處來望望香塵起欲問交河書駿

馬如電駛誰家白玉堂笑語生羅綺

荅謝在杭水部見寄併惠北河福州二志
美人河上居貽我雙鯉魚剖魚得尺素新詩錦
不如載筆續良史厥志惟河渠千里障長虹萬
流納一孟奴績良可圖嘉謨宜特書復覩三山
編海氣落座隅舊遊恍如夢悽惻我心紆珍重
美人意惜別嘆居諸膠漆一以投貞心良不渝
報子金錯刀侑之雙瓊琚

賣兒詞

北風吹枯樹野屋寒無炊我行東州路千里其
瘡痍老翁牽兒賣老嫗蒙袂隨百錢不易得其
盡恐無時恐爲溝中骨甘作異鄉兒去去勿復
顧翁嫗亦不啼得生已自多何暇惜別離鳥飛
號故巢獸伏戀舊蹊哀哀皇天慈何以極蒸黎

重過晚山作

青山望不極逶迤勢轉聳拂天丹鷲翔翻日翠
濤湧烟霞相掩映草木亦森拱雲破天柱孤風
過仙掌動食芝靜者棲駕鶴羣仙擁凌厲毛女

西華志卷之四
壇彷彿羽人洞周道櫻我懷
冬秋行役踵遐覽
積蹢躅冥搜迫倥偬寒風厲
廣原落照下脩壠
神境富丹丘人世各枯塚
徘徊祇自傷奮飛恨
不勇浩歌送白雲憑虛但神竦

靈陽子詩讀文信公集作

男兒自有心萬死常崢嶸
園土學神仙此意竟
誰明子房遇黃石隻手報強嬴
方外多英雄窟
跡埋身名我思靈陽子騰空鶴背輕
不朝王京
去來訪浮丘生定知九轉丹足以回元精
炎燼

儻可吹縲綫有飛騰其事雖寂寞萬古托深情
安期生策干項羽黃石公書授子房自古異
人遁跡方外者尚矣信公囚燕三年而靈陽
子訪之圜圜中此豈無心者鄭賈人猶能脫
智罽於楚而况神仙中人乎公於此蓋猶萬
一圯上之思焉而談者乃謂公真欲授丹訣
了死生將凌空御氣於燕市則誤矣因讀信
公集爲作此詩

廬山

驅車去燕趙飲馬渡淮甸復棹九江流再覩廬
山面瀑布瀉銀河紫氣驚飛電人影出雲間猿
聲落天半塵心欲盡消浮榮何足羨願隨洪崖
子採藥栖絕巘游戲紫霄中千載長相見

赴官河南初發有述二首

西歸幾何時驅馬忽復東豈無青山宅可以休
吾躬浮名苦中人薨飛似朝重鬢髮爲雪霜素
衣緇塵蒙所嗟秉拙劣逐世寡高蹤功名等捕
風岐路方未窳雖有鱣鮪姿斗水難可容顧瞻

丘園道喟焉心鬱沖

其二

祗役出周道周道何迢遞始抗錦城旌期結夷
門轡玄陰積長林孤光漏幽翳鳴鳩無停聲零
雨隨呼至感物歡易沉含情戚難棄芳菲宜及
辰競此青陽麗中夜兒女心暮年壯士志撫劍
臨長風慷慨沾吾袂

過臨潁作

午辭邵陵城莫出臯鼪路潁水清且漣洗耳發

遐慕上古旣以邈至人難可遇役役方自茲悠
悠詎能顧飛雨引前旗塗泥逗輕御林際亂鳴
禽沙頭暝煙樹青搖柳陌颺綠深麥疇霧春和
足嬉娛聊此釋吾慮

連日行漳衛道中苦旱望雨不至賦此志
感

三春炎氣異入夏勢轉酷微雨不成霖驕陽未
肯伏長風捲屯雲天意虛亭毒土脉欲無膏來
楚何由熟緇茲河朔地頻年空杼軸瘡痍見者

悲况我忝人牧食粟常汗顏望霓徒蒿目中霄
自忤營脩途時躑躑精禱旣無術曷以慰惻獨
皇鑒諒不睽輟寔應神速佇聽豐年謠如傳紫
芝曲

游百泉二首偕翟如臨觀察賦

披圖嗜名勝可思不可卽獨往嘆踟躕同人喜
攀陟磴道初回轉竹樹漸蒙密日落林逾靜鳥
歸山更寂湛然對靈源水清石自激鳬鷺忘所
如鱗介各有適正思濯塵襟片艇搖空碧天漢

共昭回濠梁疑咫尺沿洄洲渚長俯仰變晨夕
緬懷川上嘆幽興渺無極

其二

攢峯聚靈巖源泉滙幽渚紺寒鑒毛髮淨徹貯
玉乳明月墮可拾珠璣噴如雨樂饑遁考槃寒
裳思衛女桂楫此夷猶王尊况容與蒼翠亂空
濛霞光澹平楚悄然發哀吟幽人在何許佇懷
鸞鶴音不逢長嘯侶濯纓久蒙塵漱石思礪齒
安得謝浮名飄飄問輕舉

感蔬

炎氣盛驕陽五月勢如燬萬植半摧殘嘉生孰
爲理物情固自殊好醜異成毀野草上堦除滋
蔓殊未已馬齒及苦苣後園亦填委夜來膏雨
施瘴毒快一洗此輩復向榮得時如有喜擢擢
青蔬色孤秀還餘幾常恐寒露零蕭條逐風靡
所慮金盤空疇藉如霞綺封刈乖天常老圃莫
爲恥五畝何足言上林滿荆杞

淦陽官居覽眺有述

此邦實要衝官居亦幽獨逢迎非本性退食遣
煩促才寸步庭除流眺慰心目盆荷黝而青堦
草萋以綠夏火欲燃榴秋露且霑菊最憐兩行
柏恨少數竿竹涼風吹高槐寒蟬尚棲宿覽物
思故園悄然傷中曲干時終無術掛冠違所欲
桑麻久荒蕪圖書塵滿軸世方混淆渾人誰辨
珉玉借問轅下駒何如雲間鵠

白菊

白菊如靜女芳姿挾幽意不讓黃金葩各擅凌

霜氣月下疑魄銷風前覺香細持笑時世粧紅
紫紛相媚

偶述

我家本嶮巖性與鹿麕適茹芝足療饑中歲謬
行役世故渺風波浮名等膠漆初服久不返分
曹多所歷黃綬未言卑所司均散秩簿書徒挫
精逢迎豈陳力緬懷賢達人時命嘗屯阨竄逐
與饑寒古來頻接迹叨竊已多蒙尸曠仍增惕
豈有迂腐儒勲名垂竹帛骨髓幸未枯溟滓有

探索斯文千百年青史二三策故山書可藏歸
與鑿石室

途次苦寒偶書所見

寒飈集玄冬薄物勁於箭馬毛縮如蝟征夫苦
無憊况我病新陵弱骨先已戰敵表同魯縉何
以敵四面鵠鷁但哀號狐兔亦奔竄豈無郊原
樹萬株搖枯幹觸景感蕭條撫衷嘆凌亂仰視
萬里鴻肅肅摩霄漢

偶讀江文通水上神女賦愛其妙麗作此

寓感

燕趙少佳麗鄭衛空狹斜神女出炎州絕世始
驚嗟婷婷艷朝日曄曄敷流霞珠樹慙翠羽碧
沼羞紅葩解璫示明信色授意已賒竦體曳輕
裾空際望瑤車湛湛江水白靄靄山雲遮始知
靈異質窈窕宛如空花精影儻留滯天冶何足嘉

代內寄

憶昔韶華日與君結新婚韶華不可留恩愛空
復存自君遠遊宦悠悠歷朝昏佇立明星繁愁

坐朝日瞰關山莽迢遞歲月已崩奔
鵲鳴芳樹蜻蛚吟草根頭白常別離
偕老豈空言田廬亦可守何當返征轅

荅內

與子爲夫婦中歲厭糟糠貧窮不可居
別離熱中腸頭白尚干祿世路浩茫茫
寶劍已繡澁明鏡無輝光予衣素化緇
子鬢鬢變霜寄書多苦言田廬幸未荒
殺馬毀征鞍歸與守舊岡

病臥武陵官署偶閱縣志所載潘安仁詩

感而賦此

守官河朔疆于役及殷旬抱病邢丘城確衾臥
日晏圖編紀方域起坐適披翫往蹟嘆堙淪遺
詠驚璀璨咎人感隆暑慷慨懷冰泮今我稅塵
鞅赫曦當重見本無鴈隼姿况乃多羈絆空然
畏簡書面墻望霄漢

道上望北邙山

昨發廣武城今望北邙山英雄已淪逝王侯同
草菅今古共如此百年一轉環人生均碌碌營

精寸尺間折節事權貴俛仰摧心顏所得不盈
背倏忽已化遷梁肉充膚體盡施蟻與鳶驅車
事行役感此淚潏潏緬彼丘園士高蹤良可攀

署中對雨

驕陽恣凌虐常恐土石隳天意貸炎蒸玄陰不
待招雲氣密已布雨聲自蕭蕭林光淨欲拭黃
埃浥不驕河朔千里餘芄芃見黍苗客愁慰杼
軸民歡動歌謠高齋亦疎放草樹颯颯飄飄憑軒
聽淅歷曠絕失煩囂煙景如江南我思忽以遙

眷焉念親故連床意寂寥

秋夜

秋氣忽以侵涼飈來木末日光澹堦除竹樹如
新活室靜遠塵囂吏散省煩聒向晚轉蕭疎玄
蟬罷哀咽須臾皓魄升萬里澄一色仰觀河漢
流旁覺天宇濶歛憶南賓鴻紫塞欲行列肅肅
起我思關山未可越

陳氏荷華山房詩稿卷之四終